

www.BibleForChildren.org

Madiu 26



Odo sikisi
(6) me sifiro
i Godima
Isaraera orou
Idifiroma waure
aneka banau uruna
iseka odo fafine ui.
I odo sikisi (6) mesine
me ibooro ibiro
Yesu Bedeni goiro ani.



I feariro
nono ma uyari
mi Rasorosi danu
uwararo ani. Uruna
iseibisabaie Merima
uyarike irauaiai
urumuma imusu ari adua
danu make oi munekae
daiwere, i aduama munike
Yesunu umuro ma oinike
uroke odike afua umanike
danu bokai idi yafawereba
ima Yesu Danu umu ma isuriro
i irauaiai urumuma i uwara wake fari.



Diudiasi Ikariada dawae Yesunu moi duwero (12)
iwoka ukeka mi dawama moi dai ofereni ode sibore
sianeka oroubairo aya odifine fare
anike weiro naukake rooro
daiwere uisake oi daiwere
mafisane weisa. Eno
weisaro Diudiasi
Ikariadama Yesu
we sibofiro
mufisane daaba
yodia ukeibi.




Eno weiro Danu iwoka ukeka
orouma Danu wei wake enaenari
ane weisake uisake banau uruna
uke bou uisa. Yesuini Danu iwoka
ukeka orouini uruna isa. Uruna
isaada Yesuma buredi munike
guriguri uike ma birabira yarike
Danu iwoka ukeka oroubairo
makaada eno wei, yewae
nanu ofeya
muaweke iawe
wei.



Yesuma nono i fanigini munike
Godibairo we ma irauai ai uike
Danu iwoka ukeka oroubairo
makaada eno wei, ya yaisina
iawe wei. Yewae nanu iwama
Godinu awoena arararo uke
makaneka ma ara ukakuke
eme keuwerebairo isarakuke
emenu merama
merama ukeka
urokaku wei.



Yesuma Fidabake eno wei, Saimoni, emema uidi kaibai
saboroma kore sianaisaro oyauma ifuru afuru ure
fufuke sianaku enaenarie seidanima danu ararae ya
orou yanu imuka ma nuna ufiaro yanu irau imukeka me
sifine ukakuba ibake Godibairo abake guriguri une.
Nono dubuenaro anu imukeka Godibairo ma owefakuie
anu naiyemukunu
imukeka ma ara
ua wei.



Eno weiro Fidama wei, Dai Waria Mi, Aini ana ebaro
animaua wei. Aini fearenewaa umaua wei. Eno weiro
ibake Yesuma wei, Fida Nanu wake naua wei.
Kokoroko yama we dauke ibifekuro ako Nanu ibi
buuba we ma fe yaraada Dawa na iwoka meya eno
meo wefakua Yesuma eno wei.



Yesuini Danu iwoka ukeka
orouini moi orofaro anisa.
I orofanu ibiye Gesemani.
Iro ane fakake Yesuma
emuabake eno wei,
ewado yaure ibiawero
ekanku animake guriguri
uma wei. Eno weike nono
wei, Nanu Babae, Anu arara
yaisina ufane weakunea wei.
Yewa merama Na ure
yanakewere Nabairoma
anifine wefakuie anifekua
wei. Nono Nanu arara da
uake Anu arara mane ua wei.




I dai ofereni ode sibore sianeka orouini i Ferosi
orouini emuama i ame orouini furisi orouini yaisina
Diudiasibairo maisaro Diudiasima emua we
waure anirie. I orou yaisina ramefaini
esiwaini emenu ure yanake ukeka
eraerabusaini waure anisa.
Eno weisake moi iwoka ukeka
mima ba bau munike i dai
ofereni ode sibore sianeka
minu waiya ukeka moi minu
baena ome kaka umane
kasiniro dooro isari. Eno
uiro Yesuma eno daua weike
i waiya ukeka minu ome dooro
munike ma dabame odike ma wiroi.




I orouma Yesunu wanaro mukake anisa. I dai ofereni
ode sibore sianeka orounu uwararo waure ane oisa.
Emuako anisaro Fida dawae yafawereroma
eroke eroke emenu
umuro ani. I orouma
goiro anisake i goi
naisaro inaa
mawaisake inaa
udiro yaure
ibisaro Fida
dawaini inaa
udiro fare
yauri.



Eno weiro I dai ofereni
ode sibore sianeka
minu moi waiya ukeka
mi dawae i ome umane
kasini minu goi mi,
dawama Fidabake eno
wei, ae i waiyaro Dawaini
enaisiro eniaba aneme
ariya wei?



Eno weiro Fidama meya
weibibaie wai uraada
kokoroko idua yama
wei. Kokoroko yama
weiro Yesuma owerike
Fida eribaie Fidama Yesunu
kawama kokoroko yama
weifekuro ako Nanu ibi
buuba we ma fe yaraada meo
wefakua eno wei wake imuike
aweawero anike ii wei.





I kanisoro orou yaisina uyakake Yesu mukake Faeradibairo waure anisa. Eno weisaba Faeradima Yesubake eno wei, Ae i ba Du orounu dai yawokeka kini miba me wei? Eno weibaie Yesuma a ba weakua eno wei. Faeradima Yesu medifiro anifine uike i orou yaisinabairo weibaie i

orouma daiwere eno weisa,
korosiro ikokama ure odia,
korosiro ikokama ure
odia eno mane weibisa.




Eno weisaro Faeradima Yesu korosiro
ikokoma ure dabame odifisane Yesu
emuabairo mariero emuama Dawa i
Romani meremere oroubairo waure
anisa. I orouma Yesu mukake weisaro
Dawa Danu korosi wauriro anisa.
Aneebe aneebe moi orofaro ane faka.
(I oko kainakue eme bokai kai ari
ibake i orofanu ibiye bokai kaibai
mane orofa weaisa.) Nono i
Du orounu
wakeroma
Gorogada
weaisa.



Enoba i orofaro ane fakake Yesu
korosiro ikokoma ure dabame oisa.
Ure oisake nono moi waira ukeka
mi moi enaro moi korosiro
ikokoma ure dabame
oisake nono moi
waira ukeka mi
moi enaro moi
korosiro ikokoma
ure dabame
oisake Yesu
ubarero moi
korosiro
ikokoma ure
dabame oisa.



I dai sosi uwara ubarenaro ooru raarayai enare kuure
oisa ena dai burudu wau abanaroma gagane isare aare
ubiro fari. I yaisina eno uiro Yesuma daiwereroma
eno wei, Babae, Nanu imumu
Anu wana duboro
odakunea weadae
idua feari.



Weiro Faeradima Yesu fearinuba
me ari we imuike danu
meremere mibake u
weike we nauke eri.

Ane eme odeibisa
oma eraboro odiro
dai oma ferawere ma
ubere ubere uke
anike oma eba dadau
uke odi.



I banau uke bou ukeka odo me siniro
wai uriro i dai ofereni ode sibore
sianeka i orouini Ferosi
orouini emuama
Faeradibairo fakake
Yesubake eno weisa,
i meo mi me ibaada
i furo eno weia
weisa, ...



... eweka odo buuba me sifekuro
nono uyamau wei ibake abairo
faraisia weisa. Eno
weiro nausiba uyanao
ufekua anu ame orou
wearo Danu ara uisa
orofa odo buuba
yawofisa weisa.



Eno weisake nono weisa, Danu iwoka
ukeka orouma Danu ofe
waira unao ufeisake
fearekaroma uyarinu
wenao ufeisaya
wearo i orofa
yawokenewaa
ufisa weisa.



Eno weiro emua idua anisa. Ane
fakake i dai oma fera
aisame dadau uke oisa
oma anama ma
dabamamisake
naama widu
uisake ame
orou oisaro
yawokeibisa.



Sabadi odo me sini wai
awanakuro Meri Megidarini
moi Merini Yesu ooru uke
oisa orofaro anisi. Ane
fakibaie doo daiwere
amani amani ui.
Godinu aneru
ureroma isare
aarike i

dadau uke oisa
oma ma ubere
ubere uke
ane odike i
oma duboro
yaure ibi.



I Yesu ooru uke oisa
orofaro i yawokeibisa
orouma aneru ekake ia
daiwere iyakake kiu
weada feareka
orou ari sika.




Eno uisaro aneruma i awekayaibake
ia da iyaawa wei. Eno weike wei,
na iwoka yae i korosiro ure
oisa Yesu yodia ukaisia
wei. Yesu Dawae ewado
meya wei. Dawae
uyarinua wei. Yesu
Danu wei wake
enaenari ukinu
wei.



Eno weiro nauisike Yesu ooru uke oisa
orofa meisike ia iyarada imuka foria
uisikema nono emua rooro ukaada
Yesu Danu iwoka ukeka oroubairo
wefisine durame anisi. Aneibisiro
Yesuma emua daabaro fou
urieke eno wei, ya awekayai
faraisi wei. Eno weiro emua
Danu
umu
udiro
iboo

yanakada
Yesubake guriguri uisi.





Nono dubuenaro Yesu Danu iwoka ukeka orou yaisina ireweni (11) uruna isaada yaure ibisaro Yesu emuabairo ane fari. Ane farike Danu imusu we forairo emenu imuke dakekaini imuka ara ukekaini i Yesu eka orounu wake nauke dauisaba ibake Yesuma dino wake wei. Godima Yesu urero waure amuke aniro Danu ba ena wana enaro yauri.



Godima i orofa akaka orou yaisinabake
imukari daiwere uiba ibake Danu Amara
ubi Yesu Keriso iyabairo ma'iba aina
ainama danu imuka yaisina Dawabairo
odifeisaie emua me sara da
feafeisake me ibene ibene
ibeifeisaya wei.



Romani 3:23 Eme yaisina meramawere ukaisaba
ibake emuae Godinu ma wirokeka ubi ubiro ibe
dakaisake bi mame yafawere ibeibaisaba ibake
emuae iraua da wefeku.

Romani 6:23 Eme yaisina meramawere ukaisaba
ibake emuae Godinu ma wirokeka ubi ubiro ibe
dakaisake bi mame yafawere ibeibaisaba ibake
emuae iraua da wefeku.

Iburu 9:27 Godima eno weiba ibake iya yaisina
demui mane feafeisiro nono Godima
iya kodo umiisi.



Efesa 2:8,9 Godi Danu mane iya unu koraada me
ma wirokakuniro iyanu imuka yaisina Godibairo
odaisi. Iyae iyanu imusu ma wiroke mero iyanu
wirokekae Godinu me makeka makakuni.
Enoba i wirokekae iyanu waiya meba ibake iyanu
ibi we ma daiwere da ufeisi.

Romanani 10:9,10 Yama Yesu Dawae i Dai Waria
Miya bebekuro mane weaisake Godima Dawa
feariroma nono ma uyaria eno imukama
imukaisaie Godima ya ma wirofiaku.
Iyae imukama Godi imukaisiba ibake Godima
iyanu imuka ma gienabu ukaku. Iyanu bebekuma
iyanu Godi imukaisi wake weaisiba ibake Godima
iya ma wirokakuni.



Dioni 3:16,17 Godima i orofa akaka orou
yaisinabake imukari daiwere uiba ibake Danu
Amara ubi Yesu Keriso iyabairo ma'iba aina
ainama danu imuka yaisina Dawabairo odifeisaie
emua me sara da feafeisake me ibene
ibene ibeifeisaya wei.

Enoba Godima Danu Amara emebairo fanisi wake
weroma feareka daabaro odifiane we odaise
daurieke nono i eme yaisina Dawabairo aafisake
wirofisane ibake we odaia wei.



1 Dioni 5: 11-13 Godinu wei wake aneme ari eno?
Danu wei wakeye eno wei, Nanu Amara ubi
yabairo we odaimauro isare aafike yabake
feafiro me ibene ibene ibifone ibake weakuneba
Nanu wakeye i ari enoya wei.

Ainama Yesu Keriso imukenewaa ukakuie Godinu
me ibene ibene ibeka mufeku ibai dawa iwoka
sinaku. Enoba ainama Yesu Keriso imukenewaa
dakakuie dawa Godinu me ibene ibene
ibeka da mufeku. Godinu me ibene ibene ibeka
yabairo ibinuba imukenewaa ufone ibake ya
Godinu wake naukaisa oroubairo yewa owaowa
yanake odakune.



Madiu 26-28; Ruki 22-24; Dioni 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen.

Aneme Wake Bible (aby) © 1988, Wycliffe Bible
Translators, Inc. All rights reserved.

<https://live.bible.is/bible/ABYWBT/MAT/1>

©2024 Bible for Children, Inc.

www.M1914.org

www.bibleforchildren.org

